

詩選

海潮音文庫

于夢田

中華民國二十七年九月台初版

海潮音文庫

全精二十六册基價二〇〇元正

一編佛學通論精六册基價四十八元正
 二編佛學本論精六册基價四十八元正
 三編佛學足論精十册基價八十元正
 四編佛學餘論精四册基價三十二元正

有製版權



禁止翻印

審定者 校訂者 編輯者 發行所 發行者 印刷者

太范慈高 忍室古 虛大 主 師農人 釗

新文豐出版股份有限公司

公司：臺北市雙園街九十六號
 電話：三〇六〇七五七・三〇八八六二四
 門市部：臺北市羅斯福路一段二十號八樓
 電話：三四一五二九三・三四一五二九四
 登記：郵政三六四三信箱
 證：局版臺業字第四四二六號
 郵政劃撥：〇一〇〇四四二六號

海潮音文庫再版編輯大意

(1) 本文庫爲便宜讀者之研究，以十年來所出之月刊爲材料，分類編輯，審慎採集。予有志學佛者，以有組織有系統之貢獻。

(2) 海潮音月刊歷年十週（自民國九年至十八年，公元一九二〇—一九二九），編輯曾數易其人，材料之收集，不免有投其所好而刊登者。夫以知見不純正之註著，既有誤於初學，帶感情用事之論文，乃易引起教內之爭執。文庫取材，對此種文，縱使議論風生，亦當勉爲割愛，以導學佛者於正軌。

(3) 海潮音刊載之註著，雖爲適應時代之要求而方便設教，然亦須有垂之長久之真價乃得流傳，以佛法爲三世不易之常法，非世學之隨時隨地而興趣也。其爲偏於應時，缺乏不變之真實，及帶有時間性過甚，易引起新舊之爭者，割棄不錄。

(4) 月刊定期出版，收集不免稍濫，文庫取材，極端嚴格，無關宏旨之論文，甯缺不錄。（附注）道德倫理、義相聯次，合爲一種。三編增整理僧伽制度論一種，仍不變動原定種數。

海潮音文庫總目錄

茲分四編三十四種可分編預約：

一編 佛學通論（十二種）精六冊

一、科學 二、哲學 三、宗教 四、人生 五、國學 六、文化 七、進化論 八、社會學
九、道德學 十、教育學 十一、政治學 十二、論理學

二編 佛學本論（八種）精六冊


一、法相宗 二、法性宗 三、真言宗 四、淨土宗 五、律宗 六、禪宗 七、天台宗 八、賢首宗

三編 佛學足論（九種）精十冊

一、經釋 二、論釋 三、在家佛學法 四、佛學歷史 五、佛教傳記 六、討論集 七、講演集 八、論文集 九、整理僧伽制度論

四編 佛學餘論（五種）精四冊

一、文選 二、尺牘 三、筆記 四、詩選 五、小說



佛學叢刊
海潮音文庫 第四編

佛學餘論二 詩選目錄

一五言古詩	五十四首		一
二七言古詩	二十九首		二六
三五言律詩	一百六十八首		四五
四七言律詩	二百六十二首		八七
五五言絕句	一百十七首		一五五
六七言絕句	一百八十首		一七四
七偈頌	二十一首		二〇三

叢刊
佛學

海潮音文庫 第四編

佛學餘論二 詩選

一 五言古詩

星太虛導師

楊壽昌

人生如漚浮。瞥瞬成空寂。曲說揚其波。詭變紛難測。幻網縛重重。妙明自梏失。浩劫苦循環。嗟彼處禪發。仗疇作導師。拭涕拯沈溺。宏啓非身諦。除冥破結習。道安今幸存。俊辯彌天溢。牛車來燕京。掉此廣長舌。開演法無邊。迴向淨佛國。般若是誰聞。諸天雨花集。

我欣得善利。稽首維摩詰。玄義聆風幡。萬法信唯識。平生一瓣香。敢爲南能執。慈雲祝徧覆。厲氣慶潛熄。

呈太虛上人

許以復

我師具大心。入此情世界。我師發宏願。不捨娑婆穢。龍戰血玄黃。劫運脩羅邁。衆人悉攘攘。毋乃利所賣。末法無衲子。往往輕破戒。優婆塞夷衆。迷惘依魔外。凡此諸非法。我師心如癭。運此廣長舌。銷彼五陰蓋。解粘爲去縛。慈悲而喜捨。威音王以前。有何言說解。亦可說得時。大有因緣在。隨機爲開示。理事事無礙。度一切衆生。實無有度者。

擬古

天然遺稿

絕壁千餘仞。上有一幽人。壁石爲屋宇。風雪不閉門。時來坐案頭。當戶奏陽春。此曲無人和。茫茫以終身。

贈廖樹衡君（并序）

前人

壬寅秋首。廖君偕項君叔怡。重游南岳。尋本師默庵長老舊好。適寺有捐租之恐。乞

保全之無虞。且賜書初游時所得新句。與項君畫山水各一幅。輝寺屏障。此後朝廷提租之論。不及叢林。感激之下。偶得五古。以志每飯不忘云。

正法流東土。歷年數千百。未墜及至今。代藉扶持力。爾來宗風頹。異議起外狄。一言挽狂瀾。法鼓如再擊。此功齊造化。焚香在朝夕。豈非國運強。大教當不息。朝爲尋風緣。衡霍重游歷。留門字與畫。光輝生古壁。幸我接風流。於茲深感激。南山頌如何。道場常寂寂。

暮春偕佛乘法師遊山

前人

數日未窺園。料知春已老。偶攜同心游。新晴山水好。深逕門忽開。誰去踏幽草。下有澣衣者。將返來時道。還君掩此扉。憐彼樹影倒。舉足石磴上。如出天地表。谷口競流泉。層巒青未了。綠竹拂行衣。蒼松夾道繞。笑指牆邊笋。雙雙穿泥巧。相看兩忘言。歸興更不少。

冬暮阻雨點石感途中情景

前人

離岳日益遠。相思日益切。出門不識道。臨歧問碑石。千峯萬峯樹。山間溪間色。日下短長亭。月出茅店白。懶殘恥虛名。高臥南山宅。胡爲解脫士。而作異域客。蓮池慕無人。

本師默老開大善寺立慕蓮池額。磨鏡誰一拭。曾祖船老重新磨鏡台。祖海上人繼住有年歸寂數載。智者不住世。天台日已夕。欲尋遠公林。曾挂點石錫。倘使心願往。何惜越鄉國。

讀楞嚴經有疑自答奉質

圓瑛

無覆無記性。『無同』無『異中』。此無覆無記性境。正當八識未轉依位中。今依經說。又正當生汝妄能以後。自屬比量境界。非真無同異。初疑金與灰。佛果喻未通。『熾然』竟『成異』。鑽木各兩重。在鑽莫名金。成灰木難逢。實『異彼所異』。『因異』而『立同』。更疑金灰盡。攝相同歸空。轉計相滅時。鑽木性還融。『同異』任『發明』。『復立無異同』。瓦礫喚金寶。灰堆認樹叢。妄擬指迷人。說理猶未終。迷頭逐空影。騎馬覓花驄。自疑釋尊以金不復成鑽。灰不復成木。以喻佛果。微嫌法喻莫齊。目此狂癡人。笑煞三家翁。

答宗門公案問清淨本然云何忽生山河大地

前人

堂前一幅畫。遠水復遙岑。因緣無點染。隨意任縱橫。石女忽生兒。無端疑遂起。人間幾時生。我答就問你。若信有生時。石女非石體。若不會生時。石女翻笑你。

按此公案。已曾答過何競青之間。謂（一念不生。心境何狀）嗣某以此問德安法師。法師曰。（你將甚麼作山河大地。）可見余之見地。不及德師遠甚。今特借附於此。善因識。

遊白鶴白水黃龍諸山

馮振

言發冲虛觀。來遊白鶴麓。更登白水山。石上走珠玉。遠望渺若空。近視紛眩目。泉聲鳴珮環。久坐聽不足。改道向黃龍。欲訪百園木。安知傳說虛。松楸但如束。惆悵且登高。石道幾回曲。佳境漸足娛。懊惱轉銷縮。山上度石橋。倒挂千尋瀑。散作雨霏霏。短髮得膏沐。石有蟾蜍名。迹留神仙足。真僞奚足論。造作亦驚俗。亭寺半頽毀。草樹自凝綠。盛衰不可常。後來誰能卜。匆匆又下山。更投華首宿。

游羅浮宿冲虛觀

馮振

我本句漏人。少生山水窟。牢落墜塵寰。山水情未沒。曾作鼎湖游。又向羅浮發。首至冲虛觀。上尋薤菜闕。道遠足已疲。興濃力未竭。遂登獅子峯。小道出林樾。同行五六人。半已中途歇。飛雲（峯名）藏半頂。丫髻（峯名）坐兀兀。白日山下明。煙雨山上出。願欲造其巔。道阻難超越。徘徊復下山。感歎爲丹穴。聞道稚川子。於此得仙訣。顧念句漏山。仙蹤久傳說。是非孰辨正。名山待高節。苟無千秋士。山存名亦滅。夜宿山寺中。還望故山月。中夜不成眠。四面蟲聲急。天明去山寺。却與老僧別。

昨夢三人示死時日賦五古四章留別（辛酉十一月朔） 舒景衡

昨夜夢三人。示我死時日。十二日下午。六時歸也吉。我聞爲欣然。萬累我能畢。憶我此番生。少小事儒術。廿四博一衿。卅六膺一秩。四十領郡學。雍容看舞佾。三載佐軍學。仍是操不律。國變猶苟活。一室惟抱膝。近日研佛理。梵說日一帙。稍去貪瞋癡。私淑維摩詰。清靜大海中。蓮座應生一。

此心已皈依。此身久屬君。歛以舊朝服。莫令身生慊。祭當分初大。樂作非樂聞。此觸

齊刑律。用告我子孫。來賓以蔬餉。門靡辱清門。碑以清字首。尤爲骨所欣。葬期務從速。計勿使多分。未可專驚外。驚外徒紛紛。禮儉與喪戚。孔氏有云云。

老婆長二齡。恐亦世難久。況時在病中。呻吟聲出牖。倘得從我歸。蓮海亦良友。世業如未竟。歸去尙須後。亦可率子婦。好好畜黃口。若生各一天。各自循途走。三子已成立。於今可速朽。仲也性篤厚。叔也亦謹守。季雖無多能。米亦負升斗。成否聽之天。一笑懸崖陡。我今無罣礙。可啓足與手。

少年舊同學。本早星落落。近日過從人。多半心知託。今日我去也。勿驚一個弱。憶我自無始。生死數難度。既慣死生來。何必爲死愕。異日如話舊。其說尤冥漠。我去路已遙。那有靈魂託。如謂人可珍。屍應度高閣。時時摩撫之。重或如河洛。諸君苟悟此。夢亦可醒噩。賦此留別詩。不死和詩索。

舒君癸僧學佛極精進。一日夢三人以十二日下午六時當死。醒後以詩紀之。屆時不驗。因索和章。予憚於和均。率成一首。

馮汗青

我歸自淮上。舒君貽我詩。詩中首說夢。夢境亦離奇。有客三人來。眎君以死期。十二日下午。蓮漏當六時。舒君躍然喜。去此生蓮池。作詩別友朋。有味乎言之。妻子意則殊。妖夢非所宜。聽請祝勿踐。舉室庶怡怡。妻子禱輒應。舒君意則悲。樂邦與淨土。何獨拒我爲。道路紛傳說。各各測以私。或則爲君慶。過此當期頤。百年方尙齒。二老還齊眉。或則爲君吊。生西阻者誰。三人交臂失。萬劫轉瞬馳。我意坦坦然。慶吊皆愚癡。死此而生彼。其樂誠無涯。倘戀娑婆苦。必爲頻伽嗤。惟其時未至。不妨少委蛇。蕉鹿已成幻。泥鴻且暫羈。願君仍精進。亦勿餒與疲。西方有三聖。夢合更何疑。示形君當拜。卽爲往生基。夢中無年月。寐數非爾知。人生終當化。時日或不欺。我聞先德語。念念出生資。一稱阿彌陀。蓮胎生葦蕤。青黃燦爛中。標名隱約窺。蓮台分九品。厥初無等差。片時掃蕪雜。七寶生階墀。寸心苟微悟。環境皆導師。何必計時日。時亦念所持。嗟我學佛晚。又爲俗羈縻。進銳而退速。貌合神仍離。周公不入夢。豈云血氣衰。常恐成墮落。仰媿娥與羲。獨此區區心。不問道險夷。呼吸苟仍續。念茲常在茲。因君輒自儆。亦欲相攀隨。

感懷

化聲

八萬劫之前。此身在何處。誰家造化兒。幻此我與汝。兩耳聳驢肩。駢塵知幾許。微視謝龍天。眼光大於鼠。營營方寸間。一日千年慮。古人與來者。呼之不得語。浩劫何茫茫。天地復逆旅。陰陽盜其精。青春不知去。白楊風蕭蕭。是誰眠其所。彭祖八百年。含淚別俚侶。眇茲蝸與蟬。飛鳴秋樹顛。吸風並飲露。得以全其天。哀哀爭存者。跼蹐亦可憐。地球眇一粟。萬類相周旋。弱肉強者食。悲音徹四筵。飲河期滿腹。胡爲慕腥羶。盛衰各有時。誰能金石堅。但看侯王宅。秋風起墓田。

贈李隱塵居士

大圓

予初從溫到鄂。寓佛學院。李隱塵居士因園中瓊花盛開。特備素筵。請太虛院長及空也法師化聲居士并予。赴齋賞之。感而賦此。

龍蛇起大澤。巨海翻鯢鯨。烽燧連天地。盜賊復縱橫。巢居尠靜柯。洗耳絕流清。長沮與桀溺。何處獲耦耕。伊維無上士。方便攝萬行。慈悲滅三毒。大勇非用兵。自利有餘裕。更

復度有情。我來江漢上。放志說無生。承光入丈室。瓊花開已盈。春風何浩蕩。四壁更崢嶸。
列席覓香齋。數座多奇英。巴歌發鄭里。求友當嚶鳴。

偕張蔭廬學博游雙峯洪覺寺

鄧彌之

靈蹟固匪遙。勝區亦未顯。竹柏翳青蔥。合沓迷近遠。松巔遙可識。闌若到始辨。殿脚
闕孤岑。樓閣翼雙巘。憶昔開國初。茲山法輪轉。一鉢雞足來。洪覺寺開山僧曰渠山。來
自滇中雞足。駐錫于此。片偈虎心善。豁然龍象尊。澹爾人天緬。門外戰伐塵。檐際白雲
卷。誰言秦谷民。尚可商芝寧。五老洞陰有康熙時古德題名。皆壽至八九十者。卓錫
嘉樹陰。洗耳蒙泉窺。至今寒山月。渠山相傳爲明季道民。撰有寒山語錄。猶照石門
薛。石門漾月爲雙峯八景之一。諸峯圍道場。元崖蝕仙篆。捫蘿幸未疲。採藥欲忘倦。廢
亭沒荒榛。禁蛙亭望雲亭今皆廢。架帙殘內典。寺舊有經半藏。近多殘佚。更約
樓被過。緇經擁蠹簡。

靈峯寺展視貝葉經

李佛肩

鞍馬尋春事。柳下青絲騎。桃花迷路入。靈峯寺。寺僧喜客過。儉囊慚布施。珍重啓瑯函。拂幘繙茉莉。奇文蝌蚪歆。筆筆圓融義。夙翫見書多。今逢不識字。未諳唐古時。東土失乳孳。通譯誰鳩摩。問禪無遠誌。回首白雲端。却悟西來意。

臺城

燕咫尺

高城俯闌若。草木含佛性。飛鳥繞枝啼。似語南朝恨。蕭郎講經年。捨身悟清淨。齋食戒鮮腴。法衣謝朝政。賊兵破城入。荷荷白日暝。在昔天監初。柴天代齊運。苟了平等義。侍中已非分。貴至不可言。還鄉徒空詠。靜者嚴所持。大勇在無競。嗟爾脩陵魂。遲聽法門磬。

悲蚊虫三首

前人

子子爾微物。聚族於洿池。不識湖海闊。蛟龍安得欺。造化工陶鈞。倏假飛鳴姿。震雷無類響。爾聲胡含悽。思飲故池水。羽翼非所宜。嚼腐亦何心。蟲豸難忍饑。

不忍飢而生。甯知飽而死。捐軀徇腹腸。所得能有幾。人各愛肌膚。露筋豈得已。乘筵叱僮僕。古今幾佛子。